

SPECIMEN RERUM PHILOSOPHICARUM  
Q V A S

SUB AUSPICIIS

*Illustrissimi, ac Reverendissimi Domini*

D. JOANNIS DE VITA  
EPISCOPI REATINI

IN PUBLICA DISPUTATIONE

A. JOSEPHO FIORDIPONTI REATINO PRESBYTERO  
M O D E R A N D A

SANCTES MARCOTULLI

REATINI SEMINARII ALUMNUS, AC PHILOSOPHIAE AUDITOR

E X P L I C A B I T

Facta cuique post tertium contradicendi facultate.



REATE A. R. S. MDCCLXIX.

Excudebat Gaspar Orsinus )( Superiorum Permissu.

**A** Per quodammodo debemus imitari, quæ vagantur, & Aræ.  
carpunt: deinde quicquid attulere, disponunt, ac per favos  
dividunt; & succum varium in unum saporem mistura qua-  
dam, & proprietate spiritus sui mutant. Nos quoque quicquid  
diversa lectione quaesivimus, committimus stylo; ut in ordinem  
eodem digerente coalescat. Nam & in animo melius distincta fer-  
vantur, & ipsa distinctio, non sine quodam fervore, quo con-  
ditur universitas, in unius saporis usum varia libamenta confun-  
dit; ut etiamsi quid adparuerit unde sumptum sit, aliud tamen  
esse, quam unde sumptum nescerit, adparat. Macrobi. Sa-  
turnal. lib. 1.



## De utilitate Philosophiæ.



Philosophiam non inanium verborum, ac subtilitatum, ut quidam parum considerate loquuntur, sed maximarum rerum artem esse, atque donum, ut Plato, *Dei inventum*, ut Tullius (a) facile quidem poterit vel in ipso ejus limine judicari. Quid enim aliud est Philosophia, si interpretari velis, quam studium sapientiæ? sapientia autem est, ut a veteribus Philosophis definitum est, rerum divinarum, & humanarum, causarumque, quibus hæc res continentur, scientia; cujus studium qui vituperat, haud sane intelligo, quidnam sit, quod laudandum putet (b) Ea enim nos primum ad Dei cultum, deinde ad jus hominum, quod situm est in generis humani societate, tum ad modestiam, magnitudinemque animi erudit, eademque ab animo, tamquam ab oculis, caliginem dispulit, ut omnia supera, infera, prima, ultima, media videremus. (c) Maxima igitur utilitas in philosophicis rebus inest, quam quum excellentis ingenii homines animo præcepissent, omnem sibi in Philosophiam operam conferendam rati sunt, & re ipsa ceteris omiſſis contulerunt. Non omnes tamen (quod est in hoc genere molestum) omnium laudabiles, quin multorum in successu pestiferi conatus extiterunt. Declarant id quidem errores, quibus & veterum, & recentiorum quorundam libri referti sunt.

*De præ-*

(a) Tusc. Disput. lib. I. (b) Cic. de Off. lib. II. (c) Idem Tusc. Disput. lib. I.

## De præcipuis errorum causis.

**J**am id inquirere alienum non ducimus, unde hæc varietas successuum petenda sit; & ipsi enim ad sapientiæ studium contendimus; sunt autem cognoscenda scientiarum iter suscipientibus illa maxime, ut declinentur, quæ incautos alios deceperunt. Varios Philosophi enumerant errorum fontes; errant siquidem homines, quum falsæ rei, vel non satis cognitæ assentiuntur, mentisque attentionem ad ea non adhibent, quæ sensibus ceperunt; quum suis viribus præsidunt, vel contra sui ingenii immemores omnino aliis succumbunt; denique autem quum in *penunie, honorum, gloriæ cupiditatem inciderint* (a). Sed omnes omnium errorum causas contemptio una complexa est rectæ philosophandi rationis, quam negligi oportet, si labantur; quum labi nequeant, qui ducem illam persequuntur. Ad hanc igitur universim referremus turpem illum quorundam in doctrinæ studiis successum, quem effugere qui volet [omnes autem velle debent; *falli enim, errare, labi, decipi tam dedecet, quam delirare, O mente esse captum* (b)] rectam primùm sibi studeat philosophandi rationem comparare.

## De Recta Philosophandi Ratione

**H**æc est autem recta philosophandi ratio, seu una via, qua sit in veri Inquisitione, atque investigatione incedendum; ut claram, distinctamque ideam rerum tibi facias; ut nequid pecces in definitionibus, ac divisionibus construendis; ut nulla in tuis judiciis, ac ratiociniis diligentia desideretur; neve ad illa pergas, quæ aliorum cognitionem præviam sibi postulant, nisi in his antea fueris eruditus; ad summum, ut omnia omnino Logicæ præcepta teneas, in iisque diu exercitationem, & consuetudinem coeperis; versatur enim Logica in eo genere, ad quod adhibenda est actio quædam, non solum Mentis agitatio; & ut *nec Medici, nec Imperatores*

(a) Cic. De Off. lib. 1.

(b) Idem De Off. lib. 11.

ratores, nec Oratores, quamvis artis præcepta perceperint, quidquam magna laude dignum sine usu, & exercitatione consequi possunt, sic Logicæ præcepta traduntur illa quidem, sed rei magnitudo usum quoque, exercitationemque desiderat. (a)

## De libertate Philosophandi.

**Q**VI tamen hæc præscripta servare liceat, si id omne ratum absque consilio habendum sit, quod hic, vel ille Philosophus disputavit? Maneat igitur ad verum detegendum alios quidem Philosophos consulendos, nedum proprio, ut ajunt, Marte laborandum: *Qui nihil enim admittere, suosque in usus convertere vellet, nisi quod propria primum industria detexerit, is æque quidem absone ageret, ac qui nec vestimentis, nec calceis, neque ædibus, nec pane denique ipso uti prius, fruique vellet, quam hæc omnia conficiendi, præparandique artem proprio, ut ajunt, Marte, atque sine aliorum institutione invenire didicisset* (b): Sed numquam omnino committendum, ut suum quis deinat judicium adhibere, quemadmodum de Pythagoricis accepimus, *quos ferunt, siquid affirmarent in disputando, quum ex iis quæreretur, quare ita esset, respondere solitos. Ipse dixit: Ipse autem erat Pythagoras. Tantum opinio præjudicata poterat, ut etiam sine ratione valeret auctoritas* (c). Quamobrem ad nullam disciplinam tamquam ad faxum adhærendum; quum autem præcepta a Philosophis invenerimus, quæ vera esse non statim luceat, tandiu dubitatione utendum est, quandiu rationis momenta perspexerimus: quod tamen cavendum, ne & de revelatis a Deo intelligatur; nam ipsa Divina Auctoritas firmissima est ratio, cui abjecta omni cunctatione cum stabili, certaue non labendi umquam sententia assentiendum. Sed de ratione philosophandi hæc quidem hætenus.

## *De Primis Veritatibus, quibus reliquæ confirmantur.*

**S**equitur, ut philosophemur, in eas primum veritates principes inquirendo, quibus reliquæ cum *necessariæ*, tum *contingentes indirectæ*, ut ajunt, confirmantur. *Eam experimur Mentis nostre naturam, ut dum judicat aliquid esse, simul judicare nequeat idem non esse* (a). Sua igitur cujusque experientia verum id esse perspicuum est, *fieri nimirum non posse, ut idem simul sit, & non sit*; tum qui aliquid negans, se in aliud quidquam vero illi appositum incidisse, animadvertet, ultro eum, si sana mente sit, ab illa sententia discessurum. Sed qui veritates eripit necessarias, quæ cum legitima rerum forma junctæ sunt, is quidem aliquid videtur instituire, quod vero illi immutabili contradiciat. En igitur in promptu verum ad necessarias veritates confirmandas; quod ad genus tamen aliarum non patet: *Veritates enim de existentia rerum finitarum omnium sunt ejusmodi, ut ostendi non posse, si quis illos aliter concipiat, impigere illum in contradictionem* (b). Quamobrem verum aliud querendum est, quo veritates ejusmodi vindicentur; Inventum autem jam erit, si cum præmissum pro veritatibus necessariis, tum quod sibi videntur postulare, qui contingentes non probant, attendamus; Quid enim ii postulare aliud videntur, quam ut concedatur, fieri aliquid posse sine ratione, quam *sufficientem* in scholis adpellamus? Existit autem ex præmissis illo vero: *Nihil esse sine ratione sufficienti, cur potius, sit, quam non sit, & cur hoc potius, quam alio modo sit*. Hoc est igitur verum, quo posterioris generis veritates innituntur, sed habet maximam cautionem; videndum est enim, ne dicamus, voluntatem adferri non posse tamquam rationem sufficientem actionum causæ liberæ, eandemque in duobus æque bonis constitutam vel debere utrumque, vel neutrum posse eligere; ut arbitrantur Leibnitiani, quorum sententiam qui defendunt, si sibi consentanei esse velint, id concedant etiam necesse est, rationem, qua Deus hunc e possibilibus potius, quam alium Mundum condiderit, di-

vinæ

(a) Wolf, in Ont.

(b) Bilfingerus in Dilucidat. p. 62.

vina voluntatis Beneplacitum non fuisse, sed *optimissimum*, quem vocant, quia hic Mundus est optimus, ut melior alter fieri nequeat, quod dici tamen sine maxima, eaque viro sapienti indigna temeritate non potest. Ac de primis quidem veritatibus iatis dictum est.

## *De utilitate Quæstionis, quæ vertitur in Anima Hominis.*

**D**E aliis modo ad illas referendis explicandum. Sed sunt hæ propemodum infinitæ, ut una comprehendi disputatione non possint. Quum earumdem igitur sint delectus habendi, quas ad nostram utilitatem aptius deligemus, quam quæ nostrum, id est nostræ Animæ cognitionem attingunt? Quippe ex neglecta hujusmodi cognitione innumerabilia peccata nascuntur omnia, & sine aliis eadem satis vim habet, nihil tamen sine ipsa aliæ conferunt ad bene, beateque vivendum. Nam quæ tibi malum utilitas ad beatam vitam, si stellas dinumerare, aut metiri Mundi magnitudinem sciens, quid Anima tua sit, qui finis ejus creationis, quæ ei constituta officia, non attendas; sed tamquam ii, qui sunt ex pecudum genere (*sunt enim quidam homines non re, sed nomine* (a)) luxuria diffluas, turberis metur, cupiditate rapiaris? Deinceps igitur de una quæstione Animæ Hominis disserendum, ita tamen, ut quæ de prima Causa eidem finitima deprehenduntur, de iis etiam breviter disputetur.

## *De Natura Animæ Hominis.*

**Q**uam se quisque ipsum, idest suam Animam contuetur, ut se quisque noscat (nec enim quum dicitur; *nosce teipsum*, præcipitur, *ut membra nostra, aut staturam, figuram ve noscamus*;  
neque

---

(a) Cic. De Off, Lib. 1.

*neque nos Corpora sumus; neque ego tibi hac dicens Corpori tuo dico* (a) ), ejusmodi in seipso inesse vires animadvertet; ut quæ ad aspectu sentiuntur, tum quæ a materia secreta sunt, videat; in iis autem percipiendis agnoscat etiam se percipere; ut *consequentias, & causas rerum cernat, earumque progressus, & quasi antecessiones non ignoret* (b), *similitudines transferat, disjuncta conjungat, & cum presentibus futura copulet* (c). Nequit autem percipere hoc virium genus, quin ultro eluceat, non posse illud Corpori, quamquam hoc ex simplicibus conflatum fingitur, convenire. Primo igitur suæ Animæ intuitu de ejus natura quid cuique sentiendum sit adparet, simplicem scilicet illam esse, *nihil habere in se quidquam admixtum, dispar sui, atque dissimile, & non posse eam dividi; quod si non possit, non posse interire* (d). Sed est illa entis simplicis distributio, ut aliud necessarium sit, aliud contingens; esse autem Hominis Animam contingentem quis non videt? Nam quum necessarium oporteat esse *infinitum*, idest *abitu habere, simulque omnia quaecumque habere potest*; contingens omne est, quod finitum, ut Anima Hominis, intelligitur; nec enim Hominibus ea vis inest, ut percipiant quidquid in re quaque verissimum sit, atque ita rationem celerrime, & acutissime videant, ut uno obtutu non divisa intelligendi actione contueantur.

## De Ortu Animæ Hominis.

**O**ritur ergo Anima Hominis, quum necessario non extet, nec quidem *per traducem*, ut ajunt, propagata, sed e nihilo educta; quum in ea *nihil sit mixtum, atque concretum, aut quod ex terra natum, atque fictum esse videatur, nihil ne aut humidum quidem, aut stabile, aut igneam* (e). Non omnes autem omnium Hominum Animæ in prima ipsa rerum origine creatæ sunt, in Cœlo nimirum, ut quibusdam veteribus, vel in Corporum rudimentis, intus in Adæ Corpore collocatæ, ut Leibnitio, wolffio, aliisque recentioribus nonnullis visum est: Nihil enim dubitationis hic locus

(a) Cic. Tus. ut. Disput. lib. 1.

(b) idem De Off. lib. 1.

(c) idem lib. 11. De Fin.

(d) idem De Senectute.

(e) idem De Consolat. Tuscul. Disput. lib. 1.



hic locus habet, quin creentur Animæ in dies; ac tot illæ quidem, quot varia in dies humana Corpora generantur: foedissima est enim, quam ex Anglis quidam ausus est restituere, (a) vetus illa opinio, *Metempsychoseos* quæ dicitur, atque his versibus descripta legitur ab Ovidio, qui Pythagoram loquentem sic inducit. (b)

O genus attonitum gelidæ formidine mortis,  
 Quid styga, quid tenebras, & nomina vana timetis;  
 Materiem vatum, falsique pericula Mundi?  
 Corpora sive rogos flamma, seu tabe vetustas  
 Abstulerit, mala posse pati non ulla putetis.  
 Morte carent Animæ, semperque priore relicta  
 Sede, novis domibus vivunt, habitantque receptæ.  
 Ipse ego (nam memini) Trojani tempore belli  
 Panthoides Euphorbus eram . . . . .

Omnia mutantur, nihil interit. Errat, & illinc  
 Huc venit, hinc illuc, & quoslibet occupat artus  
 Spiritus, eque feris humana in corpora tranſit,  
 Inque feras noster, nec tempore deperit ullo.

Hactenus Poeta

## *De Deo, & Immortalitate Animæ relativa.*

**A** Nulla autem omnino caussa creantur Animæ, quam a Deo æterno, immutabili, simplicissimo, æquissimo, sapientissimo, omniſque prædito attributorum genere, quæ splendorem, & decus, & majestatem, & perfectionem important: Tale enim, nec aliud, quod consueto, proprioque nomine vocamus Deum, *ens necessarium* esse potest. Deus autem illas non suæ naturæ necessitate creat, sed libertate plenissima, ob eam quidem causſam, ut Ipsum homines agnoscant, suosque mores cum divina studeant voluntate componere. Inest igitur in Deo facultas, qua, si velit, Homi-


(a) Lib. qui inscribitur. lux Orientalis.

(b) Metamorphos. lib. XV.

lit, Hominum Animas destruat. Sed tantum abest, ut velit illa Deus uti facultate, ut præmia recte factis, peccatis autem supplicia post mortem corporis præparaverit. *Quis enim Deum non prænoverit Procuratorem esse rerum humanarum, atque adeo Hominum Rectorem, & Judicem? Quod si Judex Hominum, & Rector Deus est, si etiam alio modo intelligi non potest, nisi summa sapientia justitia, & potestate præditus; sit, ut & præmia virtutibus parata habeat, & supplicia vitiis. Nec enim ulla Respublica, quod Solon verissime dixit, nisi duabus rebus contineri potest præmio, & pœna.* (a) Adcedit etiam, quod hæc de præmiis & pœnis sententia omnium gentium communis est, atque ita antiqua, ut ejus inveniri auctor, & origo nequeat: quod nisi eam cognitam, comprehensamque animis haberemus, non tam stabilis permaneret, nec confirmaretur diuturnitate temporis, nec una cum sæculis inveterare potuisset. . . . opinionum enim commenta delet dies, judicia naturæ confirmat. (b)

Habet igitur honestum, seu quod Divinæ est Voluntati, nostræque Animæ naturæ consentaneum, atque unum adeo in nostras actiones ordinem constantiam, & pulchritudinem confert, rationes omnes, quæcumque valeant nostram ad sese voluntatem adlicere. Nam intelligi sic oportet, nostrum Animum, *qui ut vis erratico serpens lapsu viminibus obstringi nequit,* (c) rationibus ad agendum obligari. Ex eo igitur, ac de Anima hætenus disputatis existat, nostrisque etiam mentibus inscribatur; *nihil hominem, nisi quod honestum, decorumque sit, admirari, aut optare, aut expetere oportere, nullique neque homini, neque perturbationi animi, nec fortunæ succumbere.* (d)

## F I N I S :



(a) Cic. lib. 11, De nat. Deor.  
In Phil. mor. c. 11.

(b) Idem lib. 11, De nat. Deor.  
(d) Cic. De Off. lib. 1.

(c) Baumeisterus